

<><><><><><>

ते हून खबरें दी तफसील कन्नै कुणाल श्रीवत्स :-

<><><><><><>

Grants Passed

जम्मू-कश्मीर विधानसभा नै कल सदन च दंडु दिनें दी व्यापक चर्चा दे मगरा- बक्ख-बक्ख मैहकमें लेई ग्रांटें गी मंजूरी देई दिती। बिजली आस्तै 12 जहार 543 करोड़ 84 लक्ख रपे- वित्त लेई 52 जहार 379 करोड़ 56 लक्ख रपे- घरें-मकानें ते शैहरी विकास आस्तै 4 जहार 227 करोड़ 84 लक्ख रपे ते आपदा प्रबंधन लेई इक जहार 460 करोड़ 98 लक्ख रपे दे आवंटन शामिल न। दंडु दिनें दी बैहस दे परैन्त योजना- सैलसफा- राजस्व- संस्कृति ते कनून सनें होरनें क्षेत्रें गी महत्वपूर्ण फंड हासल होए न। ग्रांट मंगें पर चर्चा दा परता दिंदे होई मुखमंत्रि उमर अब्दुल्ला होरें विधायकें दी सक्रिय शमूलियत लेई धन्नवाद कीता ते दस्सेया जे 43 मिम्बरें इस बैहस च हिस्सा लैता। विधानसभा नै कुल 3 जहार 523 करोड़ 41 लक्ख रपे दी 19 पूरक ग्रांटें गी बी मंजूरी दिती ऐ।

<><><><><><>

CM-Regularization

मुखमंत्रि उमर अब्दुल्ला होरें जंदे रोज आखेया ऐ जे सरकार 2026 बरे च कानूनी ते माली तौरा पर टिकाऊ तरीके कन्नै डेलीवेजरें ते होरनें आरजी मुलाजमें गी नियमित करने दी प्रक्रिया शुरु करोग ते इस बरे तकरीबन 30 जहार खाली पेदी असामियें गी भरने लेई बी कम्म करोग। विधानसभा च अपने विभागें दी ग्रांटें ते कटौती प्रस्तावें पर चर्चा दा परता दिंदे होई उमर

अब्दुल्ला होरें आखेया जे ध्याड़ीदार ते आरजी कम्मगारें दा मुद्दा सब्भनें पार्टियें दे मिम्बरें पुट्टेया ऐ ते इस गल्लै गी मनेया ऐ जे एह समस्या केंई दहाकें थमां बनी दी ऐ। उ'नें आखेया.

<><><><><><>

Infiltration Bid Foiled

राजौरी जिले आहली कब्जा रेखा कन्नै लग्गदे सुंदरबनी इलाके च सुरक्षाबलें घुसपैठ दी इक बड्डी कोशिश गी नाकाम बनाया ऐ। सोशल मीडिया दी इक पोस्ट च व्हाईट नाईट कोर नै जानकारी दिती जे Nathua Tibba इलाके च संदिग्ध नकलो-हरकत दिक्खी गई। इस पर फौरी कारवाई करदे होई सुरक्षाबलें घुसपैठ दी कोशिश गी नाकाम बनाई दिता। तोंआई सुरक्षाबलें आसेया चलाए गेदे इक सांझे अभियान च बलें Nowshera Sehar इलाके दे रौहने आहले सचिन कुमार गी हिरासत च लैता ऐ। तपाशी दौरान ओदे कब्जे थमां गोली-बरुद बरामद होआ। जांच दौरान पता लग्गा ऐ जे ओह बन्ने पारा थमां होने आहली हथियारें दी तस्करी आहले कम्मै च शामिल हा ते ओह पाकिस्तान आधारित आतंकवादियें दे सम्पर्क च बी ऐहा।

<><><><><><>

Railways Adl Coaches

उत्तरी रेलवे दे जम्मू डिविजन नै 2 प्रमुख रेल गड्डियें च बाद्दू डब्बे जोड़ने दी घोषणा कीती ऐ, तां जे त्योहारें आहली रुतें दौरान यात्रियें दे बद्दे रश कन्नै निबड़ेया जाई सकै। जम्मू तवि राजधानी एक्सप्रेस च बाद्दू Third A.C. Coach लाया जाग। जिसलै के लम्मी दूरी आहली जम्मू तवि, कोलकाता एक्सप्रेस च जनरल क्लास कोच लाई जाग। एह सुविधा किश गै दिनें लेई

होगा। रेलवे प्रशासन नै यात्रियें गी अपील कीती ऐ जे ओह इनें बादू सुविधाएं दा फायदा ठोआन ते यात्रा गी रमानदारी आहला बनान। एहदे लेई रेलवे आसेया लोड़चदे सारे बंदोबस्त कीते गेदे न।

<><><><><><>

New Bus Stand

जम्मू दे डिप्टी कमीशनर डाक्टर राकेश मिन्हास होरें नमें बस अड्डे जम्मू दे चालू होने थमां पैहले नियमें दी ते तरीकाकारें दी सख्ती नै पालमा दे आदेश जारी कीते न। टैक्सियें ते टम्पोएं गी महत्वै आहली ट्रैफिक थाहरें पर खडोने दी इजाजत नैई होग। गड्डियें पर चढ़ना ते उतरना तय थाहरें पर गै होग। जम्मू स्मार्ट सिटी बसां तय स्टॉप ते रस्ते पर गै चलगंन। डिप्टी कमीशनर होरें एस.एस.पी. ट्रैफिक ते आर.टी.ओ जम्मू गी हिदायत कीती ऐ जे ओह नियमें दी सख्ती नै पालमा यकीनी बनान।

<><><><><><>

ते हुंन बाकि दिएं खबरें कन्नै श्रुति खजूरिया:-

<><><><><><>

Vibrant Villages -II

वाइब्रेंट विलेज प्रोग्राम दा दुआ गेड़ जम्मू-कश्मीर दे बन्ने आहले ईलाकें च विकास गी नमें सिरेया बढ़ावा देने लेई तयार ऐ, कीजे केन्द्रीय गृहमंत्री अमित शाह होर अज्ज असम दे कछार जिले च वाइब्रेंट विलेज कार्यक्रम दे दुए गेड़ दी शुरुआत करगंन। 2028-29 तगर 6 जहार 8 सौ

करोड़ रुपें शा मते दे बजट कन्नै इस योजना गी 15 राज्यें ते जम्मू-कश्मीर सनें दंडु होर केन्द्र शासित प्रदेशें च लागू कीता जाग। इस कार्यक्रम दे तैहत जम्मू-कश्मीर दे बन्ने आहले ग्राएं गी बुनियादी ढांचे- पुज्ज ते टिकाऊ आजीविका दे मौकें च सुधार करने- उत्थे रौहने आहले मुकामी समुदायें गी सशक्त बनाने लेई इक केन्द्रित समर्थन हासल होग।

<><><><><><>

SIR-JK

भारतीय चुनां आयोग नै जम्मू-कश्मीर दे मुख चुना अधिकारी गी आखेया ऐ जे ओह मतदाता सूचियें दी विशेष ते गहन नजरसानी आहली कारवाई लेई तयारियां करी लैन। मेद ऐ जे एह कारवाई अप्रैल महीने थमां शुरु होग। आयोग नै हिदायत कीती ऐ जे अगेत्रे गै सारियां तयारियां करियां लैतियां जान, जेदे च ढांचागत सुविधा, अमले दी तैनाती वगैरा शामिल ऐ। इस प्रक्रिया दा मकसद मतदाता दा नां शामिल करना, सूचियें दी स्टीकता- नां च तरमीम- मृत मतदाताएं दे नां हटाना, बेजाबतगिएं गी दूर करना ते लोकें दा इस प्रक्रिया च भरोसा बदाना ऐ।

<><><><><><>

Dogri Song (Byte)

खेड्ड मंत्री सतीश शर्मा होरें नीरज शर्मा ते शैरोन बखशी हुंदे डोगरी गीत, डोगरी सुहाग जारी कीती। इस मौके पर बोलदे होई मंत्री होरें आखेया जे जम्मू-कश्मीर दी पंछान लेई डोगरी भाषा दा टकोदा महत्व ऐ। उंनै रिवायतां, कला, गीत-संगीत गी बढ़ावा देने ते उन्दे संरक्षण लेई

लगातार उपास करने दी जरूरतै पर जोर दिता। इस मौके पर इस गीत दे कलाकारें नीरज शर्मा ते शैरोन बखशी नै अपने विचार सांझा करदे होई आखेया..

<><><><><><>

Prog. Announcement (Teaser)

आकाशवाणी जम्मू दा क्षेत्रीय समाचार एकांश अंतरराष्ट्री मां बोली ध्याड़े- दे सरबंधै च 21 फरवरी 2026 गी 30 मिंटें दी अवधि आला इक खास चर्चा कार्यक्रम प्रसारित करने जा'रदा ऐ। इस खास प्रसारण दा विशेषार ऐ-Youth voices on multilingual education यानि बहुभाषी शिक्षा बारे नौजोआनें दी आवाज। एह कार्यक्रम शनिवारें 21 फरवरी दपैहरी साडे 12 बजे प्रसारित कीता जाहग। यूनिवर्सिटी ऑफ जम्मू दे डोगरी विभाग दी साबका प्रमुख प्रो. वीणा गुप्ता होर एहदे च स्हाड़ी परौहिनयां न जेड़ियां विषे पर अपने माहिराना विचारें गी स्हाड़े कन्ने सांझा करडन। इस कार्यक्रम दी मेजबानी स्हाड़ी न्यूज एंकर श्रुति खजुरिया होर करडन। पेश ऐ इस कार्यक्रम दी इक लौहकी जनेई झलकी .

<><><><><><>

Weather

मौसम विभाग आसेआ दिती गेदी जानकारी मुजब औंदी 26 तरीक धोड़ी जम्मू-कश्मीर च मौसम आम तौरा पर खुशक बने रौहने दी तवक्को ऐ पर बिच्च-बिच्च कुसै-कुसै दिन किश टामी थाहरें हल्की बर्फबरी ते कनी कनोन दे असार बी दस्से गेन पर उब्बी किश किश थाहें ते छड़े उप्परले पहाड़ी इलाकें च। लोकें गी सलाह दिती गेदी ऐ जे कुसै बी सफर पर निकलने कोला पैहले ओह

मौसम वभाग दे निर्देश ते जारी सलाह पर गौर जरूर करन। बारै आकाशवाणी गी जानकारी दिंदे होई मैहकमा मौसम दे डरेक्टर मुख्तार अहमद होरें दस्सेआ .

<><><><><><>